

# Datganiad o Fwriad Cymhwysedd ECO 4 Flex Cyngor Bwrdeistref Sirol Rhondda Cynon Taf

Enw'r Awdurdod Lleol: Cyngor Bwrdeistref Sirol Rhondda Cynon Taf

Dyddiad Cyhoeddi: 21 Tachwedd 2023

Rhif y fersiwn: 1.0

Cyhoeddi ar y wefan: 21.11.23

Mae'r datganiad yma'n nodi meini prawf cymhwysedd hyblyg Cyngor Bwrdeistref Sirol Rhondda Cynon Taf ar gyfer y Cynllun Rhwymedigaeth Cwmni Ynni (ECO 4) o ddyddiad y Datganiad o Fwriad yma tan fis Mawrth 2026, oni bai bod fersiynau newydd yn cael eu cyhoeddi, a fydd yn disodli'r fersiwn yma.

Bydd cynllun ECO4 yn canolbwyntio ar gefnogi aelwydydd incwm bach ac aelwydydd sy'n agored i niwed. Bydd y cynllun yn gwella'r cartrefi lleiaf effeithlon o ran ynni sy'n bodloni gofyniad eiddo domestig preifat y Canllawiau (h.y. pobl sy'n berchen ar y tŷ maen nhw'n byw ynddo, cartrefi rhent preifat a chartrefi rhent cymdeithasol lle caiff ei osod ar gyfraddau'r farchnad neu'n uwch), gan helpu i fodloni ymrwymadau tloidi tanwydd sero net y Llywodraeth, drwy osod mesurau effeithlonrwydd ynni.

Cyfeirir at y dull hyblyg ar gyfer Awdurdodau Lleol (ALI) o nodi aelwydydd sy'n dlawd o ran tanwydd ac aelwydydd sy'n agored i niwed a allai elwa ar fesurau gwresogi ac arbed ynni megis "ECO4 Flex".

Mae Cyngor Bwrdeistref Sirol Rhondda Cynon Taf yn croesawu cyflwyno llwybrau cymhwysedd ECO4 Flex fel un dull o helpu'r Cyngor i gyflawni ei gynlluniau i wella effeithlonrwydd ynni cartrefi'r rhai sydd mewn tloidi tanwydd neu sy'n agored i'r oerfel.

Mae'r Cyngor yn gweithredu Rhestr o Ddarparwyr Cymeradwy i roi cymorth i drigolion i ddewis gosodwyr achrededig addas tra hefyd yn caniatáu cyfeiriadau uniongyrchol gan Osodwyr i'r Cyngor. Fydd datganiadau ddim yn cael eu rhoi i Osodwyr neu Asiantau nad ydyn nhw ar y rhestr gymeradwy ac nad ydyn nhw wedi'u hachredu i wneud gwaith ECO4. Bydd deiliaid tai yn dewis eu gosodwyr eu hunain gan ddefnyddio'r Rhestr o Ddarparwyr Cymeradwy a bydd yr holl berthnasau cytundebol rhwng deiliad y tŷ a'u dewis o osodwr yn uniongyrchol.

Mae'r Cyngor yn cyhoeddi'r Datganiad o Fwriad yma ar 1 Medi 2023 i gadarnhau y bydd pob un o'r aelwydydd a ddatganwyd yn cadw at o leiaf un o'r llwybrau sydd ar gael a amlinellir isod:

## **Llwybr 1: Incwm**

Aelwydydd sy'n byw mewn cartrefi y maen nhw'n berchen arno gyda sgôr Perfformiad Ynni (band SAP) D i G neu gartrefi sector rhentu preifat gyda sgôr Perfformiad Ynni (band SAP) E i G

**A**

gydag incwm blynyddol gros o lai na £31,000. Mae hyn yn cynnwys pob ffynhonnell incwm gan bob aelod o'r cartref gan gynnwys budd-daliadau nad ydyn nhw'n seiliedig ar brawf modd a budd-daliadau prawf modd. Mae'r terfyn yma'n berthnasol waeth beth fo'r eiddo, maint, cyfansoddiad neu ranbarth.

## **Llwybr 2 : Procsis**

Aelwydydd sy'n byw mewn cartrefi y maen nhw'n berchen arno gyda sgôr Perfformiad Ynni (band SAP) E i G sy'n bodloni cyfuniad o ddau o'r procsis canlynol:

<b>Procsi 1)</b> Cartrefi yn narpariaeth Ardaloedd Cynnyrch Ehangach Haen Is Cymru 1-3 ar Fynegai Amddifadedd Lluosog Cymru 2019. <sup>1</sup>
<b>Procsi 2)</b> Deiliaid cartrefi sy'n derbyn ad-daliad Treth y Cyngor (ad-daliadau'n seiliedig ar incwm isel yn unig, ddim yn cynnwys gostyngiad person sengl).
<b>Procsi 3)</b> Deiliaid cartrefi sy'n agored i fyw mewn cartref oer fel sydd wedi'i nodi yng Nghanllawiau'r Sefydliad Cenedlaethol dros Ragoriaeth mewn Iechyd a Gofal (NICE). Dim ond un o'r rhestr y mae modd ei ddefnyddio, ddim yn cynnwys y procsi 'incwm isel'.
<b>Procsi 4)</b> Deiliad cartref sy'n derbyn pryddau ysgol am ddim o ganlyniad i incwm isel.
<b>Procsi 5) Ddim ar gael ar hyn o bryd</b>
<b>Procsi 6)</b> Cartref sydd wedi'i atgyfeirio at yr Awdurdod Lleol gan eu darparwr ynni neu Gyngor ar Bopeth, i gael cymorth gan ei fod wedi'i nodi'n berson sy'n ei chael hi'n anodd talu ei filiau nwy a thrydan.

<sup>1</sup> Mynegai Amddifadedd Lluosog Cymru (diweddariad llawn i'r mynegai gyda graddfeydd): 2019 2019 | LLYW.CYMRU

*\* Nodwch, does dim modd defnyddio procsis 1 a 3 gyda'i gilydd. Dydy procsi 5 ddim ar gael ar hyn o bryd*

## **Llwybr 3: Atgyfeiriad gan y Gwasanaeth Iechyd Gwladol (GIG)**

Aelwydydd sy'n byw mewn cartrefi y maen nhw'n berchen arno gyda sgôr Perfformiad Ynni (band SAP) D i G neu gartrefi sector rhentu preifat gyda sgôr Perfformiad Ynni (band SAP) E i G

### **A**

Ile mae aelod yn dioddef cyflwr iechyd difrifol a/neu hirdymor y mae byw mewn cartref oer yn cael effaith niweidiol arno.

Gall y cyflyrau iechyd yma fod yn rhai cardiofasgwlaidd, resbiradol, gwrthimiwnedd, neu symudedd cyfyngedig. Mae hyn oherwydd bod y Cyngor yn cydnabod yr effaith negyddol ar aelwydydd â chyflyrau iechyd hirdymor sy'n byw mewn cartrefi llai ynni-ffeithlon a'r effaith ar iechyd a lles.

Rhaid i Feddyg Teulu, Meddyg neu Ymarferydd Iechyd o'r Bwrdd Iechyd Lleol/GIG ddangos tystiolaeth o bob cyflwr iechyd.

## **Llwybr 4: Targedu Pwrpasol**

### **Ddim ar gael ar hyn o bryd**

## **Cadarnhad o'r datganiad a'r gwiriad tystiolaeth**

Dylai pob aelwyd a allai fod yn gymwys wneud cais yn uniongyrchol i un o'r Gosodwyr ar Restr Darparwyr Cymeradwy'r Cyngor neu'n uniongyrchol i'r Garfan Gwresogi ac Arbed drwy e-bostio [gwresogiacarbed@rctcbc.gov.uk](mailto:gwresogiacarbed@rctcbc.gov.uk), ffonio 01443 281136 neu drwy wneud cais ar-lein

[www.rctcbc.gov.uk/CY/Resident/Housing/HousingGrants/HeatandSave/Eco4FlexFunding.aspx](http://www.rctcbc.gov.uk/CY/Resident/Housing/HousingGrants/HeatandSave/Eco4FlexFunding.aspx)

Dyw Cyngor Bwrdeistref Sirol Rhondda Cynon Taf ddim yn derbyn unrhyw gyfrifoldeb na rhwymedigaethau cytundebol gyda Gosodwyr/Cyflenwyr ac mae'r ymgeisydd yn ymrwymo i'w gytundeb cytundebol ei hun gyda'r Gosodwr o'u dewis.

Bydd angen i bob gosodwr sy'n gweithio o dan y cytundeb yma ddarparu ffurflen gais wedi'i chwblhau gan Gyngor Bwrdeistref Sirol Rhondda Cynon Taf a'r holl dystiolaeth sydd ei hangen i gadarnhau cymhwysedd cais (cymhwysedd eiddo a phreswylwyr) cyn gwneud atgyfeiriad uniongyrchol i'r Cyngor.

Bydd datganiadau dim ond yn cael eu darparu i Osodwyr sydd wedi'u cofrestru ar Restr Darparwyr Cymeradwy'r Cyngor a'r rhai sydd â'r Achrediadau perthnasol ar gyfer darparu mesurau o dan y cynllun ECO. Mae modd i osodwyr wneud cais i gofrestru ar y rhestr drwy ddefnyddio GwerthwchiGymru ITT: itt\_97734 - Rhestr o Ddarparwyr Cymeradwy ar gyfer Mesurau Effeithlonrwydd Ynni Domestig Cyngor Bwrdeistref Sirol Rhondda Cynon Taf.

Bydd datganiadau yn ddilys am 12 mis o ddyddiad eu llofnodi.

Y Swyddog sy'n gyfrifol am wirio a dilysu datganiadau a thystiolaeth gysylltiedig a gyflwynwyd ar ran yr Awdurdod Lleol:

**Enw: Swyddog Ynni Tai'r Garfan Gwresogi ac Arbed, Carfan Strategaeth Dai**

**Ffôn: 01443 281136**

**Ebost:** [gwresogiacarbed@rctcbc.gov.uk](mailto:gwresogiacarbed@rctcbc.gov.uk)

Bydd yr wybodaeth cymhwysedd yn cael ei storio'n ddiogel yn unol â pholisi diogelu data'r Cyngor, Cod Rhannu Data Swyddfa'r Comisiynydd Gwybodaeth, a chanllawiau BEIS.

Y cyflenwr ynni neu ei asiant/contractwr ac nid y Cyngor fydd yn penderfynu a yw aelwyd yn derbyn mesur o dan gymhwyster hyblyg neu ffrydiau ariannu ECO eraill. Rôl y Cyngor yw gosod meini prawf cymhwyster, asesu ceisiadau a chyhoeddi Datganiadau ar gyfer aelwydydd cymwys. Fydd cyhoeddi Datganiad gan Gyngor Bwrdeistref Sirol Rhondda Cynon Taf DDIM yn gwarantu gosod mesur, y cyflenwr sy'n gwneud y penderfyniad terfynol.

## **Cyfraniadau Cwsmer**

Does gan Gyngor Bwrdeistref Sirol Rhondda Cynon Taf ddim dylanwad dros lefelau'r cyllid sydd ar gael o fewn y Cynllun ECO Flex. Er y disgwylir y bydd rhai mesurau trwy ECO Flex yn denu lefelau o gyllid a fydd yn gwneud cost y gwaith yn rhad ac am ddim i'r cwsmer, efallai mai dim ond yn rhannol y bydd eraill yn cael eu hariannu gan grant. Bydd y cwsmer yn cael

gwybod am unrhyw ddiffyg mewn costau yn dilyn arolwg trwy'r Gosodwr o'u dewis a'r cwsmer yn unig fydd yn dewis bwrw ymlaen neu wrthod.

### **Ffioedd Gweinyddol/Cyfeirio**

Cyfradd gyfredol y farchnad a godir yw **£300** fesul cais. Mae'n bwysig nodi bod ffioedd i'w talu gan y Gosodwr/Asiant/Cwmni Ynni ac ni ddylid eu trosglwyddo i ddeiliad y tŷ/cwsmer o dan unrhyw amgylchiadau.


### **Rheoliadau Diogelu Data Cyffredinol a Hysbysiad Preifatrwydd**

Er mwyn cyhoeddi Datganiadau a gweinyddu'r cynllun i alluogi cartrefi i gael mynediad at gyllid ECO 4 Flex, bydd y Cyngor yn prosesu ac yn rhannu data personol. Bydd yr holl ddata'n cael ei reoli a'i storio yn unol â gofynion Rheoliadau Diogelu Data Cyffredinol a'r ddeddfwriaeth berthnasol. Mae modd dod o hyd i gopi o Hysbysiad Preifatrwydd y Cyngor sy'n nodi sut y caiff data ei reoli, yma [Hysbysiad Preifatrwydd Gwresogi ac Arbed - Gwasanaeth yr Hwb Atgyfeirio | Cyngor Bwrdeistref Sirol Rhondda Cynon Taf \(rctcbc.gov.uk\)](#)

### **Llofnod y Prif Swyddog Gweithredol neu berson cyfrifol penodedig**

Bydd y Cyngor yn gweinyddu'r cynllun yn unol â Gorchymyn ECO4 BEIS a bydd yn nodi aelwydydd cymwys drwy broses ymgeisio Ofgem. Bydd Prif Weithredwr y Cyngor yn goruchwyllo'r broses o nodi aelwydydd cymwys o dan ECO4 Flex.

Enw: Paul Mee



Teitl y swydd: Prif Swyddog Gweithredol Cyngor Bwrdeistref Sirol Rhondda Cynon Taf  
(person cyfrifol penodedig)  
Dyddiad y llofnod: 13.10.23

Am unrhyw ymholiadau cyffredinol yn ymwneud â'r Datganiad o Fwriad yma, e-bostiwch [gwresogiacarbed@rctcbc.gov.uk](mailto:gwresogiacarbed@rctcbc.gov.uk)

Mae rhagor o wybodaeth am ECO 4 Flex ar gael yn:

[www.rctcbc.gov.uk/CY/Resident/Housing/HousingGrants/HeatandSave/Eco4FlexFunding.aspx](http://www.rctcbc.gov.uk/CY/Resident/Housing/HousingGrants/HeatandSave/Eco4FlexFunding.aspx)